

SARS E ITLAMA HO AKOFISA MOTJHA WA TJHEBISANO YA SEKOLOTO SA LEKGETHO

Tshwane, 30 Loetse 2025 – Ditshebeletso tsa Lekgetho tsa Afrika Borwa (SARS) di dutse di le malala-a-laotswe ho thusa balefalekgetho ho phethahatsa boitlamo ba bona ba molao. Hangata balefalekgetho ba kolotang lekgetho ba fumana ho le thata ho lefa dikoloto tsa bona ka lebaka la mathata a tsa ditjhelete. SARS e na le mekgwa e fapaneng ya ho bokella lekgetho le morao. Ho shebisisa taba ena, SARS e kopane le Mekga ya Taolo e Ananetsweng (RCBs) ho lekola mekgwa e fapaneng eo ka yona balefalekgetho ba ka thuswang ka yona ho lefa dikoloto tse lokelang ho leba mokotleng wa mmuso.

Kopanong ena, mekgwa e ile ya buisana ka pehelo e mabapi le Tjhebisano ya Sekoloto jwalokaha e hlahella Karolong ya D ya Molao wa Taolo ya Lekgetho, e ka sebediswang ka tlasa boemo bo itseng. Re dumellane le Mekga ya Taolo e Ananetsweng ho kgakola Motjha wa Tjhebisano o Akofisitsweng. Ena ke karolo ya nyalanyo ya kakaretso le boitlamo bo pakeng tsa SARS le Meifo ya Taolo e Ananetsweng ho fumana ditsela tsa ho boela ho fumanwa hape ditjhelete tse kolotuwang ka tsela e potlakileng ho bapa le dipehelo tsa Molao wa Taolo ya Lekgetho. Motjha wa tlwaelo wa tjhebisano ya sekoloto o ntse o buletswe balefalekgetho bohle.

SARS e tla phethahatsa tseo e ithutileng tsona motjheng ona o akofisitsweng wa tjhebisano ho ntlafatsa motjha wa tjhebisano ho tswela balefalekgetho bohle molemo. Ho tla ba le ntlha e le nngwe ya qalo bakeng sa dikopo tsohle ho tloha ka Mantaha, 13 Mphalane 2025. Le ha motjha ona wa tjhebisano ya sekoloto sa lekgetho o tla qala ka Mekga ya Taolo e Ananetsweng, ho itshetlehlwe hodima diphetho, SARS e ka nna ya o sebedisa ho balefalekgetho bohle hamoraonyana.

SARS e tla phatlalatsa motjha ona o akofisitsweng wa tjhebisano ya sekoloto ka bobatsi, mme e tla mema Mekga ya Taolo e Ananetsweng ho ba karolo ya matsholo a phadimeho, diwebinara, mmoho le dikgokahanyo tse tobileng ho bebofatsa kutlwisiso e batsi ya motjha ona.

Tse bohlokwa ka boiteko bona

- a) Motjha ona o akofisitsweng wa tjhebisano o ama dikoloto tsa lekgetho tseo ho seng dingangisano ka tsona tse fetang dikgwedi tse 12.
- b) Ditheo tseo ha jwale di ntseng di le mohatong wa ho qetela wa ho hlakola boingodiso ba tsona ba CIPC, tse angwang ke diphuputso tsa bonokwane, le tse tlasa pholoso ya kgwebo ha di angwe ke sena.

- c) Bakopi bohle ba tlameha ho fana ka ditokomane tsohle tse amehang mmoho le dinyehelo tsa bona. Ho bohlokwa hore ditsebahatso e be tse nepahetseng, ebang ho se jwalo SARS e ka ikgethela ho natse dikopo tse jwalo.
- d) Ditsebi tsa Lekgetho tse ingodisitseng le Mekga ya Taolo e Ananetsweng di ka tataisa balefalekgetho mabapi le ditlhoko tsa tjhebisano ya sekoloto, ho akareditswe le ditokomane tsa tshehetso tse hlokehang ho latela Karolo ya D ya Kgaolo ya 14 ya Molao wa Taolo ya Lekgetho.
- e) SARS e itlama ho sebetsana le dikopo tse monyetleng wa sena nakong ya dibeke tse nne, ka tshebediso ya dihlopha tse kgethetsweng sena mmoho le botsamaisi bo ntlafaditsweng ba phallo ya tshebetso.
- f) Bakeng sa balefalekgetho ba ntseng ba sa ikobele tefo ya lekgetho le bao e leng karolo ya motjha wa tjhebisano ya sekoloto, SARS e tla phethahatsa mekgwa ya tlwaelo ya bophethahatsi ba molao kgahlano le balefalekgetho bana ba sa ikobeleng. Ho etsa hore ho se ikobele ho be thata le ho ba ditjeo tse hodimo, bophethahatsi bo jwalo bo tla akaretsa ditaelo tsa lekgotla tse mabapi le dikahlolo tse dihlweng ke lekgotla.

Dintlafatso tsa Tshebetso le tsa Setekgenike

Dihlopha tse ikgethang tsa poloko ya dibuka tsa ditjhelete le mehlodi ya setekgenike, ho akarditswe le mekgwatshebetso ya onlaene ya dikopo tsa kopano bakeng sa ditsebi tsa lekgetho, e se e qadile ho tshehetsa motjha ona le ho rarolla diphephetso tsa tshebetso.

Diketso tse tlang ho latela ka SARS le Mekga ya Taolo e Ananetsweng

Ho bapa le dipuisano tse bileng teng le SARS, Mekga ya Taolo e Ananetsweng e tla hlakisa ditlhoko tsa motjha ona o akofisitsweng wa tjhebisano le ho thusa hore o phethahatswe ka thello.

Ho fumana lesedi le fetang lena, ka kopo ikopanye le SARSMedia@sars.gov.za.